

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

ZAKLJUČAK

o odbacivanju Prijave koncentracije privrednog subjekta Nestro Petrol a.d. Banja Luka,
Bosna i Hercegovina

Sarajevo
januar, 2012. godine



Broj: 01-03-26-1-025-5-II/11
Sarajevo, 19. januar 2012. godine

U skladu sa članom 25. stav (1) tačka e), a na osnovu člana 42. stav (2), u vezi s članom 12. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta Dioničko društvo za promet nafte, naftnih derivata i prirodnog gasa Nestro Petrol Banja Luka, Kralja Alfonsa XIII br. 9, Banja Luka, Bosna i Hercegovina, podnesenoj putem Diakonov Aleksandra, direktora, zaprimljenoj dana 14. studenog 2011. godine pod brojem: 01-03-26-1-025-II/11, Konkurencijsko vijeće, na 26. (dvadesetšestoj) sjednici održanoj dana 19. januara 2012 godine, donijelo je

ZAKLJUČAK

1. Odbacuje se Prijava koncentracije privrednog subjekta Dioničko društvo za promet nafte, naftnih derivata i prirodnog gasa Nestro Petrol Banja Luka, Kralja Alfonsa XIII br. 9, Banja Luka, Bosna i Hercegovina, radi nepostojanja koncentracije, u smislu člana 12. Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 14. decembra 2011. godine pod brojem: 01-03-26-1-025-II/11, Prijavu koncentracije (u daljem tekstu: Prijava) privrednog subjekta „Nestro Petrol“ a.d. Banja Luka, Kralja Alfonsa XIII br. 9., 78000 Banja Luka, (u daljem tekstu: NESTRO PETROL ili Podnosilac prijave).

U predmetnoj Prijavi privredni subjekt NESTRO PETROL navodi da će zaključiti ugovor o kupoprodaji prava korištenja radi građenja sa fizičkim licem Bećirom Bašovićem, (..)*¹, na kojem u zemljišnim knjigama postoji upisano pravo građenja benzinske pumpe, a koja će se graditi nakon realizacije uslova ugovora od strane Podnosioca prijave.

Uvidom u podnesenu Prijavu utvrđeno je da ista nije potpuna, u smislu člana 30. stav (1) Zakona o konkurenciji (u daljem tekstu: Zakon) i člana 9. i 11. Odluke o načinu podnošenja prijave i kriterijima za ocjenu koncentracija privrednih subjekta («Službeni

¹ (..)**- podaci predstavljaju poslovnu tajnu u smislu člana 38. Zakona o konkurenciji.

glasnik BiH», broj 34/10), te je Konkurencijsko vijeće, u skladu sa članom 31. istog Zakona, zatražilo dopunu dana 29. novembra 2011. godine, aktom broj: 01-03-26-1-025-1-II/11.

Podnosilac prijave je u skladu sa zahtjevom Konkurencijskog vijeća, dostavio nedostajuću dokumentaciju dana 7. decembra 2011. godine, broj: 01-04-26-011-2-II/11.

Konkurencijsko vijeće je Podnosiocu prijave izdalo Potvrdu o prijemu uredne i kompletne Prijave, u smislu člana 30. stav (3) Zakona, dana 10. januara 2012. godine broj: 01-04-26-011-3-II/11.

Konkurencijsko vijeće je iz Prijave utvrdilo slijedeće činjenice:

1. Učesnici u postupku

Učesnici u postupku su privredni subjekt „Nestro Petrol“ a.d. Banja Luka, Kralja Alfonsa XIII br. 9., 78000 Banja Luka i fizičko lice Bećir Bašović, (..)*.

1.1. Privredni subjekt Nestro Petrol a.d. Banja Luka

Prema izvodu iz sudskog registra Okružnog privrednog suda u Banjoj Luci broj: 057-0-Reg-10-001273 od 21.9.2010. godine privredni subjekt Dioničko društvo za promet nafte, naftnih derivata i prirodnog plina Nestro Petrol Banja Luka, Kralja Alfonsa XIII br. 9, Banja Luka, registriran je u sudskom registru pod brojem MBS: 1-10073-00.

Osnovna registrovana djelatnost privrednog subjekta NESTRO PETROL je trgovina na malo motornim gorivima i mazivima i distribucija i prodaja plinovitih goriva distributivnom mrežom.

Većinski vlasnik privrednog subjekta NESTRO PETROL je privredni subjekt Otvoreno dioničko društvo NeftegazInKor, Kalanchovskasa 11, Build 2, Moskva, Ruska Federacija sa (..)* vlasničkog udjela.

Na tržištu Bosne i Hercegovine NESTRO PETROL posjeduje ukupno 88 benzinskih pumpi, a od toga u Republici Srpskoj 78, u Federaciji Bosne i Hercegovine 8, i u Brčko Distriktu 2 benzinske pumpe.

Prema procjeni Podnosioca prijave na tržištu Bosne i Heregovine privredni subjekt NESTRO PETROL ima udio od 7,94% u ukupnom broju benzinskih pumpi.

1.2. Fizičko lice Bećir Bašović

Fizičko lice Bećir Bašović, (..)*, je drugi učesnik predmetne Prijave.

Prema podacima iz Prijave fizičko lice Bećir Bašović ne bavi se djelatnošću prometa nafte, naftnih derivata ili prirodnog plina.

2. Ocjena predmetne Prijave

Dana 26. oktobra 2011. godine zaključen je, u uredu notara Miroslava Gladanca u Istočnom Sarajevu, Ugovor o kupoprodaji, između ugovornih strana kao prodavaoca Bećira Bašovića, (..)*, i kupca NESTRO PETROL. Predmetnim ugovorom se kupuje prvenstveno pravo korištenja radi građenja benzinske pumpe sa pratećim objektima sa 1/1 na nekretnini upisanoj u ZKU. Br. 10262 KO SP Donji Butmir u Zemljišnoknjižnom uredu Općinskog suda u Sarajevu, ukupne površine 2357 m2 (pravo korištenja radi građenja upisano na osnovu rješenja Općine Ilidža od 19.10.2011. godine), te sa ukupnom kupoprodajnom cijenom u iznosu od (..)*.

Zakon o konkurenciji je članom 12. propisao šta se sve smatra koncentracijom, dok je članom 14. propisao pod kojim uslovima su učesnici koncentracije obavezni podnijeti prijavu koncentracije Konkurencijskom vijeću.

Nakon što se gore navedeni Ugovor o kupoprodaji realizira neće doći do koncentracije u smislu Zakona o konkurenciji, jer predmetna kupoprodaja ne predstavlja ni jedan oblik koncentracije propisan članom 12. Zakona.

Slijedom navedenog, Konkurencijsko vijeće je odlučilo kao u dispozitivu ovog Zaključka.

3. Administrativna taksa

Podnosilac prijave na ovaj Zaključak, u skladu sa članom 2. tarifni broj 108. tačka d) Odluke o administrativnim taksama u vezi procesnih radnji pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 1.000,00 KM, u korist Budžeta institucija Bosne i Hercegovine.

4. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

**Predsjednik
Ibrica Lakišić**

Dostaviti:

- **naslovu**
- **u spis**
- **arhiv Konkurencijskog vijeća**